

## פרק לט

(א) לַמְנַצֵּחַ לַיְדִיתוֹן {לַיְדוּתוֹן} מִזְמוֹר לְדָוִד: (ב) אָמַרְתִּי  
אֲשֶׁמְרָה דַרְכֵי מַחְטָא בְלִשׁוֹנִי אֲשֶׁמְרָה לְפִי מַחְסוֹם בְּעַד רָשָׁע  
לְנִגְדֵי: (ג) נֶאֱלַמְתִּי דוּמִיָּה הַחֲשִׁיתִי מְטוֹב וְכֹאֲבִי נֶעְכָּר: (ד) חָם  
לְבִי בְקִרְבִי בְהִגִּיגִי תִבְעַר אֲשֶׁ דִבַּרְתִּי בְלִשׁוֹנִי: (ה) הוֹדִיעֵנִי יְהוָה  
קִצִּי וּמִדַּת יָמֵי מָה הִיא אֲדַעָה מָה חָדַל אָנֹכִי: (ו) הִנֵּה טַפְחוֹת  
נִתְּתָה יָמֵי וְחִלְדֵי כְּאִין נִגְדָדְךָ אַךְ כָּל הֶבֶל כָּל אָדָם נֹצֵב סָלָה: (ז)  
אַךְ בְּצֶלֶם יִתְהַלֵּךְ אִישׁ אַךְ הֶבֶל יִהְיֶינָה יִצְבָּר וְלֹא יֵדַע מִי  
אֲסַפֵּם: (ח) וְעַתָּה מָה קוֹיִתִּי אֲדַנִּי תוֹחַלְתִּי לָךְ הִיא: (ט) מִכָּל  
פְּשָׁעֵי הַצִּילֵנִי חֲרַפְתָּ נָבֵל אֶל תִּשְׁיַמְנֵי: (י) נֶאֱלַמְתִּי לֹא אֶפְתַּח  
פִּי כִי אַתָּה עָשִׂיתָ: (יא) הִסֵּר מֵעָלַי נִגְעָךָ מִתְגַּרְתִּי יָדְךָ אָנֹכִי  
כְּלִיתִי: (יב) בְּתוֹכְחוֹת עַל עֵוֹן יִסְרַתְּ אִישׁ וְתִמַּס כְּעֵשׂ חֲמוּדוֹ אַךְ  
הֶבֶל כָּל אָדָם סָלָה: (יג) שִׁמְעָה תְּפִלָּתִי יְהוָה וְשׁוּעָתִי הֲאֲזִינָה  
אֶל דְּמָעָתִי אֶל תִּחַרֵּשׁ כִּי גַר אָנֹכִי עִמָּךְ תּוֹשֵׁב כָּכָל אֲבוֹתַי: (יד)  
הֲשַׁע מִמֶּנִּי וְאַבְלִיגָה בְּטָרָם אֵלֶיךָ וְאִינֹנִי: